

仁王般若陀羅尼釋

寔十

大興善寺三藏沙門大廣智不空奉詔譯

金剛手者瑜伽經釋云手持金剛杵表內心具大菩提外表摧伏諸煩惱故名金剛手又釋云不被三種魔破壞菩提心自躄堅固成金剛智一切如來之所建立能破斷常一邊

寔十

是故金剛智杵破邪見山證金剛定常持於掌中故名金剛手

云何菩提薩埵義覺悟真實法覺已住生死令覺悟一切有情故名菩提薩埵又云菩提者能覺義薩埵者有情義亦云心亦云勇健摩訶者大義薩埵者是勇健義不怯弱三大

無數劫積集二種資糧故名摩訶薩

云何金剛摩訶此金剛如前釋寶義有六一者難得故二者淨無垢故三者有大威德故四者莊嚴世間故五者殊勝無比故六者不變易故一難得者如來出現於世間甚難逢遇故二淨無垢者依教修行證得菩提淨無

垢故三大威德者具六神通變現自在名大威德故四莊嚴世間者以三種菩薩律儀戒嚴飾身心故五殊勝無比者證得無上菩提三界特尊殊勝無比故六無變易者證得究竟無上菩提不變易故金剛摩訶顯名虛空藏菩薩是故此菩薩手捧金剛寶

金剛利者般若波羅蜜金剛利劍能斷煩惱種一切種金剛利者顯名文殊師利菩薩是故此菩薩手持金剛劍金剛藥義菩薩者金剛義如前釋藥義者威猛義亦云盡義十六金剛智普賢行中第十五智名金剛盡智以金剛藥義智牙食啗一切煩惱隨煩惱盡無

餘金剛鈴者表般若波羅蜜義振鈴警悟愚昧異生一聞鈴音覺悟般若波羅蜜顯名摧一切魔怨菩薩是故此菩薩手執金剛鈴金剛般若波羅蜜多菩薩者金剛義如前釋波羅蜜多如先輩所釋到彼岸義今依聲明論分句釋波藍伊上多波藍彼岸義伊上多

此岸義此菩薩由持金剛輪毘盧遮那佛於
上界成佛已此菩薩請如來轉金剛乘法輪
由乘此法輪般若船從此岸運載無量無邊
有情至無住涅槃岸顯名纔發心轉法輪菩
薩 娜謨囉怛那怛囉夜耶歸命三寶義若
持此經人歸命佛寶即得五族金剛手菩薩

實十

二

以無量眷屬侍衛加持其人此菩薩尊貴菩
提心佛從菩提心生故歸依法寶則得天帝
釋并眷屬四天王天加護何以故帝釋在危
難般若加持現獲利益是故天帝釋尊貴法
寶歸命僧寶者則得阿迦尼吒天王并五淨
居天并眷屬加護持經者為五淨居菩薩僧

并聲聞僧眾常居彼天現法樂住梵天等悉
皆貴重娜謨阿哩夜吠路者娜野怛佗誡多
夜囉訶帝三藐三沒馱野 娜謨者歸命義
亦云稽首亦云頂礼阿哩夜遠惡義此方會
釋云聖者 吠路者娜夜徧照義亦云大日
義如世間日照一邊不照一邊照晝不照夜

照一世界不照餘世界但得名日不得名大
日毘盧遮那大日者色身法身普周法界及
盡虛空界無邊十方世界普皆照耀若人知
此佛功德利歸命礼拜則得盡虛空徧法界
一切諸佛菩薩諸賢聖八部悉共加持護念
也怛他誡多夜囉訶帝三藐三沒馱野如來

應供正徧知義先已釋 娜謨阿哩野已釋
三滿多跋捺囉野三滿多者是普義跋捺囉
者賢義野字者聲明中七例八轉聲中謂聲
也下同此菩薩說三密門普賢行願一切諸
佛若不修三密門不行普賢行得成佛者無
有是處既成佛已於三密門普賢行休息者

實十

三

亦無是處 冒地薩怛嚩野菩薩義摩賀薩
怛嚩野大菩薩義 摩訶迦嚩拏野大悲
者若歸命聖普賢菩薩則十方諸佛菩薩悉
皆加護一切諸佛菩薩皆因修三密門行普
賢行得證聖果是故尊貴怛你也 佗古云
即說所謂已上文皈命三寶毘盧那遮佛普賢

菩薩 枳穰娜鉢囉你閉 顯句釋智燈義
 密句釋智無所得以為方便無智無得即成
 般若波羅密智燈能照一切佛法惡 此惡
 字梵本是婀字為隨文句便作惡呼乞合二
 野句勢顯釋無盡藏義密句釋婀字一字為
 種子婀字者一切法本不生故婀字是一切
 字之母能生一切法若能曉婀字門瑜伽相
 應則得佛法無盡藏則悟一切法本不生猶
 如虛空一相清淨平等即成無分別智也
 鉢囉訖底婆娜囉底顯句釋具辯才密句釋
 於此句中取鉢囉訖一字為種子鉢囉字者
 般若波羅密無所得故以無所得為方便於
 後得智中悟一切法本不生故獲得無盡佛
 法藏於後得智中得四無礙解辯說法自在
 薩嚩 沒馱嚩路枳諦 顯句釋一切佛所
 觀察義密句釋薩字一字為種子薩字者一
 切法平等義能緣所緣平等平等能取所取
 無所得故則證真如當於法流無邊諸佛觀

察護念 喻誡跛你你澀跛合二寧顯句釋瑜
 伽圓成義密句釋喻字一字為種子喻字者
 一切乘無所得若瑜伽觀智相應證得圓成
 於諸乘中教理行果悉皆證得一真如法性
 儼避引囉弩囉嚩誡引係顯句釋甚深難測
 義密句釋儼字一字為種子儼字者一切真
 如法無去無來由證真如海實相般若不可
 以言詮唯佛境界自覺聖智證 底哩野合二
 特嚩跛哩你澀跛 寧顯句釋三世圓滿成
 就義密句釋底哩野三合梵字是二字也以此一字為種子
 底哩野者一切法真如平等自性成就越恒
 河沙數功德真如中無過去未來現在妄分
 別不相應行蘊堅執惑亂有為之法 冒地
 質多散惹娜你 顯句釋能生菩提心義密
 句釋冒字一字為種子冒字者一切法無嚩
 義若知自身中菩提心自性成就三世平等
 猶若虛空離諸萬像則知一切有情心及諸
 諸佛如自心清淨則生大悲深生憐愍則起

莫十

四

種種方便令一切有情至於究竟離苦解脫
無解無縛薩嚩毘曠迦毘色訖諦顯句釋一
切灌洒得頂義密句釋薩字一字為種子薩
字者一切法無染著義由觀察自他及諸佛
心同一真如同躰大悲是故不染不著則於
空中一切如來法水灌頂則獲三業加持於

無量修多羅藏說法自在達摩娑誡囉三步
帝顯句釋法海出生義密句釋達字一字為
種子達字者一切法界無所得義由住無所
得心阿賴耶識中俱生我執俱生法執種子
以文殊大聖金剛利劍永截斷無餘義則流
出清淨法界等流教法則成法海出生義達

字者文殊師利菩薩種子 阿暮伽室囉嚩
嚩 顯句釋阿暮伽古釋不空義今依聲明
論釋無間義阿字一字為種子阿字者一切
法本來寂靜本來涅槃由證此解脫法印編
周法界及諸佛刹大集會中於佛前所問教
法悉皆住持永不忘失 摩訶三滿多跋捺

宣十

五

囉步弥涅哩野帝 顯句釋出大普賢地義
密句釋摩字一字為種子摩字者一切法無
我義無我有二種人無我法無我瑜伽者若
證二無我則出大普賢地證毘盧遮那百福
莊嚴圓滿清淨法身尾野訖羯囉拏跋哩鉢
囉跋你顯句釋獲得記別義古文授記義密

句釋尾野訖一字為種子尾野字者一切法
徧滿不可得義即知一切法自性寂靜自性
涅槃能證所證皆同一性不增不減圓證法
界 薩嚩悉馱娜謨塞訖哩訖帝顯句釋一
切成就者禮敬義成就者菩薩之異名密句
釋薩字一字為種子薩字者一切法無堅固
義念念四相遷流滅壞薩字中有姪字若證
姪字門本來不生不滅亦常恒堅固喻若金
剛心得自在能現種種身 薩嚩冒地薩但
嚩訖散惹娜你 顯句釋薩出生一切菩薩
義密句釋薩字一字為種子薩字者一切法
無等義由觀此字心與般若平等平等前刹

那後刹那一相清淨能生一切波羅蜜一切地即名般若佛母 婆誡縛 底沒馱廢帝顯句釋世尊佛母婆伽梵男聲婆伽縛底女聲二俱會意釋名世尊義依聲明對敵釋不如是婆伽者破義梵能義能破四魔名婆伽梵又一釋薄阿梵依聲論分字釋薄名為破

阿梵具知阿字云不有亦云不無佛由悟一切法不生不滅不來不去不一不異不常不斷不增不減佛有如是功德故名薄伽梵又釋云薄伽梵具福智二種資糧二種資糧者婆誡縛底女聲義釋如前密句釋婆字一字為種子婆字者一切法有不可得有者三有

塞十

六

義是故三界唯心由心雜染有情雜染由心清淨有情清淨若依顯教觀行般若作為生因顯因能生一切佛菩薩是故名佛母從前即說已後至佛母句於瑜伽教中成普賢行十六行如聲聞乘見道中十六行也 阿囉妳迦囉妳阿囉拏迦囉妳 阿字門一切法

本不生即入一切法離塵是故囉字門一切離塵義由知一切法離塵故即入一切法無諍是故妳字門一切法無諍由知一切法無諍故即入一切無造作是故迦字門一切法無造作由知一切法無造作故即入一切法清淨是故囉字門一切法清淨由知一切法

清淨故即入一切法無諍是故妳字門一切法無諍由知一切法無諍故即入一切本來寂靜是故阿字門一切法本來寂靜由知一切本來寂靜故即入一切法無垢是故囉字門一切法無垢義由知一切法無垢故即入一切法無諍是故拏字門一切法無諍由知一

切法無諍故即入一切法無造作是故迦字門一切法無造作由知一切法無造作故即入無分別智是故囉字門一切法無分別由知一切法無分別故即入一切法無動是故妳字門一切法無動由知一切法無動故即證摩訶般若波羅蜜

摩訶鉢囉枳穰播囉弭帝顯句釋摩訶大慧
到彼岸證得大般若波羅蜜故即依無住涅
槃 娑嚩訶引顯句釋無住涅槃則依無
住涅槃乃至盡未來際廣利樂無邊有情

仁王般若陀羅尼釋

第十

七末